

龍門志

天下

也龍

日夕

浮翠

於海

大巡

河北大學圖書館 編

河北大學圖書館藏 稀見方志叢刊

河北大學
圖書館藏

國家圖書館出版社

生命河澤令樊子初造鐵鍊惠及無
之勝槩也天下之人慕龍門之勝者

河北大學圖書館 編

河北大學圖書館藏稀見方志叢刊
19

國家圖書館出版社

第十九冊目錄

【嘉慶】平陰縣志 二十九卷（卷十五至卷二十九）

.....

平陰縣志

第六冊

卷十五之十八

平陰縣志卷之十五

文林郎鑑塘趙公傳

副使 孟成已 肥城人

趙公諱岱字嶽宗別號鑑塘其先洪洞人相傳爲清獻公後裔家乘燼莫能遠稽曾祖漢漢生松松生贈公一冲母萬孺人公生而體貌魁岸穎俊非常總角時邑侯于公子英試其文亟賞之乃延公及張君承寵與仲子同研席曰此雙璧也異日當俱爲國器未幾曹公三暘爲學使錄置邑庠尋廨食試每冠軍時邑人多治尙書畏戴氏禮浩瀚無敢涉其津涘者公

以尚書有聲迺獨奮然曰士固有腹笥五經者奈何
令戴氏禮孑然於吾邑哉因改治禮萬歷庚辰學使
蹇公達見公卷大竒之拔首諸生鉞文傳布齊魯士
咸轟然知有治禮趙君矣壬午入試亦居首人人拭目以魁解期之卒不售癸巳彙試稍爲周公應治所
抑乃慨作焚舟計屬東阿都督侯公延授仲子亮采
亮采少保于文定公宅相也旣居侯西塾時少保請
告得以朝夕請益制業益精甲午學使周公忽飛檄
到縣云吾向者抑趙生及覆閱其卷可入殼者必趙


生也速促入場時典試爲韓公邦域分闈爲何公曰
璉二公皆海內治禮名家得公卷大加賞識遂薦賢
書當于侯以雙璧目二君時意鷹行鵲起而張已先
着鞭廿餘年矣功名遲速不同信有數云公性至孝
常恨父不及見淚輒簌簌下念母幸在堂得沾祿養
亦足以慰子懷乃謁選辛丑剖符恒陽履任後卽迎
養邸中公初至歲大曠爲禱於北嶽得甘澍人謂隨
車雨首重學校勤課試拔儒童楊家麟與長君同研
席不啻于公之拔公也今楊亦領鄉薦矣恒之俗富

者強悍貧者遊惰公鍬布勸民歌諄諄諭之民風不
變境內多礦山內璫王某啣命開採肆毒播虐民不
堪命爲請於兩臺始議包繼議罷皆代題得蘇三年
報最得馳恩封贈又二年薦剡紛列當有不次之擢
以素性硜執不喜夤緣僅轉紹興別駕公處之恬如
也時萬孺人春秋高邁以遠涉風濤不便遂孤劍南
指旣至專理江務無他營庭書一聯云迂設當世事
細讀古人書官况可知已所屬有蕭山湘湖一區水
漲則行商苦之水落則居民攘之爲害滋甚親詣湖

所查勘申請創開渠道商農稱便視篆姚江永蘗自
矢嘉與姚民休息姚多鼎宦獨器重公累乞借寇丁
未大計爲恒隣令私揭以原官議調先是隣邑有與
恒民構訟者隣令曲庇其民公以持平寘之法以故
思所以中傷之至是誣送稅監刑具于是真定守江
公國楠力爲昭雪云刑具稅監所自有何煩縣送銓
部之疑始釋公已欲爲終養計萬孺人不許強令出
結前局戊申改補任縣任東南河高地下隣境豪右
奪占漑田久假不歸公力請當道令任食水之利又

請墾荒地三十頃招民認種時方拮据忽以積勞邁
厲廼召長君方曦至榻執手長號曰吾向者不欲離
而祖母以圖終養今訣別未能可如何遂含慟而逝
享年六十有五公生平篤倫理惇恩義有妹三人貧
者週之至爲甥婚娶生子遊泮叔一政之嗣生養死
葬如事父過錢塘則加禮於舊學師許公三省署姚
江則致卹於舊縣令錢公應樂蓋二公嘗識公於諸
生時故公報之其篤倫重義率如此生平所著有禮
經集解十冊二戴神治二冊藏於家配李孺人繼配

秦孺人子三長方曦增廣生次方曙方昕俱太學生
孫男六余以切近梓戚知契最深故僭爲立傳贊曰
孔門四科首列德行次及文學政事三者副之不易
而兼之更難以公之孝義如此而五經紛綸一官勤
慎可不謂能副之而且能兼之乎讀聖賢書所學何
事公殆不負所學已然才大而故遲其遇治優而未
罄厥施孺慕之情甚重而瞻依脩物始終未愜則天
之賞善似猶有未盡者傳曰不及其身必於其子孫
理或然與



水山子自傳

張承寵

水山子者賢書仕籍中具有姓名非匿影遯命詭與世遠者也水山故別業因號水山子云水山子不求人知人遂不知人卽有知何如自知乃自傳曰俗儒各守其偏安亦曰就其情之所造而已矣蓋蠱亂起而正性隱色事礙而慧用微是遯頓纓狂顧之初願耳故有餘於物力者矣生而席寵坐擁萬金陵陽良寶璫爲善銀堦長碧玉之樹厨發紫石之根於是乎屋以金鑄臺以玉堙宰相田蚡宅請考工以益平原

趙勝樓憑民家爲臨迨齡頽祿盡捐館辭賓巢移舊
燕室入他人百年俱是客誰爲狎主賓是不幸而優
於貲也卽有拔於物累者矣青領之生雅術競敦風
流作祖微尙攫心景必致之籬落物必據爲家珍竊
恐綠野堂前沼水不下黃鵠午橋莊上湖石不吐白
雲海鶴參爲鷄興殊索于遠天野水山鹿畜爲犬思
每胥於豐草長林旣不暢夫自然之性亦何愜乎強
對之神是又未能免俗也余心旣寡營家幸食貧獨
山水不用一錢買又無誕放疎狂者肯爲薄主人不

得不起而亞旅乎夔魑上而嗣服於隱淪善乎徐勉
戒子書曰吾清宅明門西邊旣施與宣武寺不復方
幅意謂此逆旅舍耳范文正公在杭州子弟知其有
退志乘間請治第洛陽答曰西都士大夫園林相望
爲其主者曾不得常遊誰獨障吾遊者合之則二子
之所處可知矣是故喻子曰富貴之士不能放意於
江山松竹之樂而泉石烟霞詩酒風月惟遺逸未遇
之人始得而兼有之蓋天地虛位祿以待朝貴留幽
勝以私野老然而靜躁則有間矣余所遊者太古之

鄉所栖者隱真之境所處者不爭之地所托者公共
之途嗣是子孫而賢世守林泉無板蕩吾則家焉否
則有協趣者崛起遊冶賞勝異姓一姓前身後身是
猶禘黃帝而郊嚳也吾則官焉堯舜之世自有外臣
至人之行原無轍迹是則大平偃息之民萬世不拔
之業爾作自傳